

呈貢縣志



呈貢縣志序



郡邑之有志書猶國之有史國無史無以昭法戒而郡邑之志亦如之何也城池猶是土田猶是社稷人

序一

民猶是雖規模之大小不同其事事責望於長民者則一也卽以呈貢論合民丁屯丁不過二千三百一十四丁糧不過四千石零

地方僅五六十里官無高
堂廣厦之庇民無千倉萬
箱之積可謂邑小而貧者
矣然而官長居然民上仁
暴惟爾寬猛惟爾老者待

序二

爾以安少者待爾以懷衣
食待爾以足教化待爾以
興德亦惟爾否亦惟爾郡
邑之視國都有大小無異
同也然則脩志書以昭法

戒蓋可忽乎哉方今

聖天子在上

神靈天縱聲教所訖無遠弗屆
猶復

畱心邊徼慎簡循良俾君事

序三

視身國事視家於是予自

昆明來於今二年矣尋討

志書屢次脩輯從無刻本

予從簿書之暇重加考訂

其凡例多從舊志但紀事

務從其實論人必求其當
擯邪說崇正學凡有益於
蒼生有關於名教者尤三
致意凡四卷始於圖攷訖
於藝文綱舉目張一目了然

序四

然則見夫戶口之未復風
俗之未醇而惕然於教養
之無具見夫學校之不脩
人文之不振而皇然於師
法之不立雨暘不時何以

順之災祲見告何以消之
神何以享人何以治星辰何
以秩序川嶽何以效靈忠
孝節烈何以接跡而起顧
名思義觸目警心志書之

序五

義例卽長民之法戒也可
不慎歟爰是付之剗劂以
告天下之爲人牧者因以
自省云

雍正三年歲次乙巳仲秋

月吉日

賜進士出身文林郎呈貢縣
知縣紀錄三次武義朱若

功撰



序六

序

余惟天下之大無異一家一人荒服猶畿甸也邊民猶中土也雲南去京師萬里自元以來始入

序一

版圖猶復叛服不常唐宋之前羈縻而已我

國家文德武功超越前代幅幘之廣生齒之繁財賦之饒人才之盛竝非

前明可及閱通志班班
可考也然而日久弊生
未免顧此遺彼我

皇上龍飛之元年余奉

特簡督理鹺政竊以滇之丁

序二

條不及江南一大邑每
年軍餉多取給於中原
惟茲自然之利若不爲
之調劑得宜將無以裕
國帑而紓

聖天子西顧之憂不寧惟是
天下之大事在理財用
人洪範八政師爲之終
軍興以來度支告匱矣
軍民雕敝矣狡兔恃其
巢穴將有厝火積薪之
虞余受

序三

恩獨重何事不當盡力而
顧視此一方民不爲區
畫盡善非所以上答

聖恩下安黎庶也不逾時又
奉

俞旨特晉滇藩責任愈重則
報稱愈難矣受事以來
夙夜祇懼仰而觀俯而

序四

察凡戶口之增減田賦
之盈虛以及城郭山川
農桑學校無一不瞭若
指掌害至而爲之備患
至而爲之防三年中殫

思竭慮不遺餘力而全
省情形久矣在目中矣
尤幸

督撫

兩憲皆大仁人大君子
而其事諸公亦復同寅

序五

協恭因得相與有成方
思積有明效著爲太平
一統全書以上報

聖天子寵遇之恩而百務叢
集刻無寧晷未遑也適

呈貢朱令纂脩邑志書
成請序於余余閱其凡
例自圖攷以迄藝文綱
舉目張井井有條爲

國家固封守爲倉庫謹管

序六

籥治民事神微顯闡幽
一舉而數善備焉志之
脩也顧可少乎哉雖然
呈貢一小邑耳地方不
過五六十里其閒名山

大川之所流峙與夫忠
臣孝子之所鍾毓夫寧
有幾乃朱令近搜遠討
惟恐不及若是况大於
此者乎近奉

序七

天子威命斥地數千里遠而
西海近而威元易土而
流同登衽席此其疆域
遼濶規模弘遠視呈貢
奚啻什伯則所以鋪揚

盛軌鼓吹休明者又當
何如其以是爲造端可
也因爲之序以弁其簡

首

峇

序八

雍正三季歲在乙巳季

夏下澣良旦

欽命雲南等處承宣布政使

司布政使加五級紀錄

四次李衛撰



序

滇僻處西南隅漢始表
以銅柱宋旋劃以玉斧
故其往事史每畧而不
書滇且然何有於屬邑

序

江

今日者

聖天子文德誕敷武功赫奕
窮覆極載莫不尊親式
廓幅員從古未有而距
滇西界千有餘里曰中

甸不事招狹納土內附

制兩憲具疏以

聞允其請

兩大憲仰體

皇上柔遠至意建官置郡撫

序二

江

育而安集之筆諸史書
千秋盛事夫殊方異域
悉登版圖而近在邦域
之中有人民有社稷顧
可擯諸不議不論之列

耶如呈貢是已呈貢去
會城咫尺襟水枕山儉
於百里宰其邑者爲朱
令自昆明調移以解牛
手試之割雞予固知其

序三

江

游刃有餘也夫邑雖小
一國之規模具焉令雖
卑六卿之權衡寓焉張
弛視乎材損益審乎時
寬嚴因乎地無所考據

而憑臆以施南轅北轍
其不至顛躓也幾希若
朱令則可謂知務矣日
進弟子員論文講學尤
兢兢以敦倫相勗勉而

邑中之以孝廉節義著
者已建坊則增飾之未
旌表則爲文而鐫諸石
凡所設施罔執已見慮
於時弗協於地弗宜也

爰索邑志而考証之舊
志係抄本迄無成書於
是仍其草創繁者刪缺
者補舛鄙者潤色而邑
志成志成而丐予爲序

序五

江

予以爲邑有志所以紀
民事昭

國典勵官箴杞宋雖小文
獻攸關固不得以呈貢
彈丸邑而闕焉弗講也

朱令博採旁搜資諸衆
論提綱挈領斷以心裁
俾邑之流風善政逸事
遺文釐然具載由是而
考其人物之盛衰核其

賦役之盈縮別其祀典
之貞淫察其關隘之險
易辨其習俗之醇薄稽
其疆井之廢興而因地
制宜因時舉政則邑令

固六卿之具體而邑志
非千秋之懸鑒也哉朱
令以優於學者敷之政
以敷之政者筆於書呈
陽之邑志朱令之治譜
也予不禁走筆而樂爲
之序

序七

江

峇

雍正三年歲次乙巳季
夏日吉旦

賜進士出身通議大夫特
授雲南等處提刑按察
使司按察使加三級紀
錄十次漢江江芑撰



序

士君子官於一方則此
一方之山川土田人物
地產以及一切典禮制
度皆當熟悉而周知蓋

序一

張

山川有險彛而利害生
土田有肥瘠而上下辨
人物爲觀感興起之由
地產爲利用厚生之本
而典禮制度爲推行教

化之原假令無籍可稽
則因地制宜之政於何
而出此志書之所爲作
雖百里之治不容或闕
也柰何俗吏不察簿書

期會而外問之懵然不
知也否則雖知之亦且
聽其殘缺失次以爲未
暇及此也嗚呼誠未暇
及此也我不知其何所

本以爲治乎滇省舊有
通志凡十九郡之山川
土田人物地產以及一
切典禮制度皆瞭如指
掌不可謂不詳然以通

省論之則爲詳而以各
郡分考之則已畧各郡
亦舊有志矣而雲南府
其首也凡十一屬之山
川土田人物地產以及

一切典禮制度皆瞭如
指掌亦不可謂不詳然
以通府論之則爲詳而
以各州縣分考之又已
畧若是乎省有通志郡

序四

張

有府志正不得謂一州
一縣之地可以無志也
可以有志而聽其殘缺
失次也呈貢爲雲南府
屬縣之一自地併歸化

而山川土田加廣矣山
川土田加廣而人物地
產典禮制度因之官斯
土者其可昧焉而不察
乎邑令朱君浙人也由

甲科授昆明宰閱五年
調此爲政尙清勤得體
要公餘以志書爲政之
所自出而汲汲焉增脩
其殘缺考訂其失次不

以簿書期會謝弗遑也
蓋呈邑僅有志草荒畧
實甚未經付梓且也前
賢之俎豆未增節孝之
表揚未廣是書成而不

序六

張

支不漏有脊有倫亦可
見朱君爲政之大都矣
今

天子繼體乘乾宵旰無逸紀
綱法度脩舉靡遺雖萬

里遐荒而職方所掌皆
爲

睿慮所必周以是

身臺柏府率其僚屬仰
承

序七

張

一人之德意凡有關於風
治政教者夙夜匪懈相
與黼黻

休明共襄至治則此志
之脩雖百里不可闕固

爲之上者所樂聞而予
因爾竊有喜焉矣聊弁
數行以存犇勸之意云
告

雍正三年夏六月穀旦

序八

張

欽命分守雲南督理糧儲
水利道按察使司副使
加三級襄平張允隨撰



序

蒲坂吾故里也習聞唐
虞盛事見其山川風土
與夫忠孝節烈之後先
輝映史不絕書不禁俯

序一

仰踟躕目空一世旣而
先大夫景康公以丁未武
進士歷兗州營參戎及
伯兄周京公任濟東監司
相從宦遊歷覽中土之

名山大川土田戶口約
畧皆可數計入聖人廟
堂觀其車服禮器然後
知天下之文章莫盛於
此也居無何授福建海

序二

澄縣尹訪考亭故址揆
武彛九曲之勝而後知
中原文獻之傳又在南
服矣三季報最

命陞授南安州隨擢雲南府

晉魏太守往來兩迤閒
閱其城池風景人情物
候與中土得毋異乎然
而疆里猶是人民猶是
於山見太華之高於水

序三

見昆池之大且深氣候
溫和風俗醇厚簪之官
斯土者不乏龔黃卓魯
之賢俎豆千秋生斯土
者亦有許孟張王之彥

流芳百世聲名文物駸
駸乎有日上之勢焉猗
歟盛哉蓋別有乾坤矣
予受事之初軍書旁午
籌餉之餘不忘撫字心

序四

力幾告瘁矣幸叨

聖天子洪恩西海蕩平民物
熙皞正欲與合屬州縣
討論典故脩輯遺文以
紀其所聞所見乃呈貢

朱令嘗先以邑志相質
予觀其義例上而天文
下而地利遠近鉅細靡
不畢載其於忠孝節烈
尤加意焉予往復閱之

序五

而不禁惻然心動也吁
嗟乎昔我

先大父康侯公以有明甲
戌進士出宰歷城當國
步艱難之日力守孤城

慷慨殉難諡爲忠烈視
睢陽常山爲何如者近
奉

俞旨命各直省建忠孝節烈

祠崇祀

序六

豐貴宮內外甚盛典也予匏
繫一官不獲從吾鄉公
祖父母後式觀大禮以
盡孝子之思而呈貢朱
令乃能殫心如此予能

無戚戚歟因爲之序以
志不忘

峇

雍正三季歲次乙巳季
夏下浣穀日

序七

中憲大夫知雲南府事
加三級紀錄六次平陽
韓鍾鼎臣氏題於署之
春雨堂



呈貢縣志卷一目錄

卷一

序文

纂脩

氏姓

凡例

星野

圖攷

氣候

沿革

城池

疆域

山川

戶口

田賦

風俗

物產

兵防

卷二

宮室

官師

科目

祠祀

學校

古蹟

名宦

鄉賢

呈貢縣志

人物

忠孝

節烈

鄉飲

流寓

隱逸

災祥

卷三

藝文

卷四

詩賦

補遺

後跋

纂脩姓氏

纂裁

賜進士出身文林郎知呈貢縣事紀錄三次武義朱若功

協脩

儒

學

教

諭棋陽郝

藩

儒

學

訓

導峽陽董兆龍

叅訂

舉

人孔宗堯

舉

人戴瑄

呈貢縣志

姓氏

校閱

舉

人楊睿

舉

人楊焯

舉

人晉緯

舉

人張士重

舉

人李鴻業

昆

陽

州

廩

生韓雲起

邑

廩

生戴天錫

編次

儒學廩生戴天賜

儒學廩生李毓仁

儒學增生李杜

儒學附生楊又時

儒學附生莫來賓

邑後學生文弁

前次參閱姓名

邑貢生文博

邑貢生文理

呈貢縣志 姓氏

邑貢生戴琦

邑貢生戴天申

邑拔貢教習戴天柱

邑拔貢趙賊

監梓本縣典史朱總烜

工房高映登 李崇善

遵韻繕書石璠

刊刻梓人石朝璽

帥以義 李國華

凡例

一明以前荒遠難稽康熙十年邑宰何公諱清掾輯遺文脩輯成帖二十五年邑宰沈公諱增延舉人文化遠纂脩五十五年饒公諱啟心又復脩之但有抄本而無刻板今與紳衿細加考訂發刊以備一方記載

一凡例照依原本但其中有益於國計民生者仍之其他異道害正及詭異不經者刪去所以扶正學屏邪說也

聖貢縣志

凡例

一學校崇奉

聖人教化所由起人才所從出自是地方第一大事豈可漫不經心近與諸生漸次脩理名宦鄉賢祠及忠孝節烈祠一齊建立禮器亦粗備自應逐細載入使後之人有所遵守

一人物必其果有德業卓然不羣者方可以光史冊而傳後世如一得一技之長謂之鄉黨自好則可以之列入志書不惟不能揚人之善反滋後人竊議故採擇不厭詳而去取不嫌刻所以

存公道也

一奉

旨特建忠孝節烈之祠舉從前忠臣孝子節婦烈女
題名崇祀恩至渥也膺是典者必名實相稱方
可受此隆禮不然反使死者不安而生者負愧
除前明無從查考外戊戌己亥而後一一嚴加
考核有善必錄無微不察不使絲毫假借庶無
負

聖天子表揚潛德至意

呈貢縣志

凡例

一仙釋本屬誕妄志書多存此條甚屬無謂呈貢
本無仙釋是其風俗好處何必牽強添入

一藝文我

朝廷

御製大哉王言天下所奉為訓行者固已備細登載
以示法守其他序記詩文必取其有關名教者
方可採入若夫無益之談雖工弗錄所以黜浮
夸也

一集紳士於三台山秉公纂脩凡閱月其刻費捐

俸暨紳士樂捐竝不派累里民緣毫

呈貢縣志

凡例

呈貢縣

北陸路十里



呈貢縣志

卷之一 圖攷

東陸路五十里至宜良縣界

南陸路十五里

圖攷

地方之情形既筆之於書而繪之以圖尤一目瞭然者也我

國家幅幘之廣從古未有欣逢我

皇上龍飛德盛化神會天之下罔不臣服坐明堂而披輿圖蓋已極天覆地載之遠矣呈貢雖滇省屬邑久在

聖神照臨之中城池之大小山川之險易與邨落之多寡可無考與志圖攷

星野繪圖前

疆土所屬上應星纏九州皆有定位滇附於益以合於雍卒無定論獨班固與一行皆主井鬼通志是之呈貢密爾會城其氣候大畧相同取衷通志郡志不復另生支節志星野

一統志雲南井鬼分野舊志云觜參分野司馬遷曰觜觶參益州東井輿鬼雍州班固則曰秦地東井輿鬼之分其界盡於西南牂牁越雋益州屬焉又皇甫謐蔡邕皆主井鬼孔明譙周張

呈貢縣志

卷之一

星野

一

衡皆主觜參又有謂西北屬井鬼東南屬觜參滇之西合雍屬井鬼滇之東合蜀屬參鬼者唐一行以山河兩戒論星野謂南河北河分夾東井爲天之闕門主關梁所以界天之南北也故北河曰北戒爲北戍衡星南河曰南戒爲南戍權星兩戒之間七曜之中道出焉春分昏中兩河當於午位就此時之中星觀之井在赤道之北黃道經其內恰值嵩高之上以是知天之高者惟北辰而井與北極最近地之高者惟崑崙

而秦蜀滇與崑崙爲近故定分野者以此爲準
矣滇在蜀之南其分野在井鬼之間雲南一府
則在井二十九度三十度三十一度鬼初度南
河下流狼星之間

星野宮辰考辨

雲南境於野屬梁於五星屬太白於北斗屬第
二星於十二宮屬鶉火巨蠲於時屬未申之間
於四時屬夏秋之交於卦屬坤滇土不燥不寒
穀木易植五金咸產以其得土中氣萬物致養

呈貢縣志

卷之一

星野

二

能泄火而生金故也

井鬼躔度攷

東井八星輿鬼四星南方朱鳥七宿之首與日
也按古曆法井宿赤道三十三度三十一分黃
道三十一度三分鬼宿赤道二度二十分黃道
二度二十一分

本朝曆度井宿三十一度鬼宿五度皆屬未宮漢
天文志起井十六度唐志起井十二度晉志與
費直皆同唐志蔡邕起井十度明起井九度一

十八分四十一抄

本朝起井初度蓋以赤道分天之中亘古不易黃道為日月五星之常道不能不因歲差而變易也論分野者惟以赤道為準井鬼之星於分為秦於野為雍梁二州為巨蠲宮為鶉首未宮井宿則雨水昏中鬼宿則春分昏中

北極出度攷

雲南北極出地二十二度四時之日皆出卯入酉其間微分初刻正刻耳與京師出寅入戌出辰入申之不同者以京師北極出地四十度強故也

雲南表景度分

春分四度五十一分

夏至十九分

秋分與春分同

冬至十二度十三分

井宿昏旦攷

六月旦在卯

七月旦在辰

八月 旦在巳

九月 旦在午

十月 旦在未

十月 旦在申

十一月 旦在酉

十一月 昏在卯

十二月 昏在辰

正月 昏在巳

二月 昏在午

三月 昏在未

四月 昏在申

五月 昏在酉

鬼同

氣候

滇地較各省為高日之出入皆在卯酉比京師

呈貢縣志

卷之一 氣候

四

每遲一刻按曆可知其氣候溫和四時無大寒暑呈貢亦與省城相同

沿革附城池

治亂興亡之蹟是非得失之故開闢以來屢遭滄桑考古者不勝咨嗟歎息所以然者德惟治否德亂自古為然我

國家神聖相傳重熙累洽萬世無疆之慶非前代可比然因革損益之宜不可不知也志沿革

呈貢漢鎮名屬益州郡唐宋開悉入於蠻元取

南詔改益州爲中慶路憲宗時立呈貢千戶所
統之至元中改晟貢縣明復爲呈貢編戶四里
我

朝因之康熙七年奉

旨呈貢地方褊小路當孔道裁歸化併入共六里

按唐蒙氏起於西洱雖併六詔爲一其時滇東
諸蠻尙各分據此地有烏白些門些莫徒阿茶
爨五種所居後晉天福二年段思平以通海節
度使得國乃遣土官伽宗築城於今縣之西名

呈貢縣志

卷之一

沿革附城池

五

伽宗城元則仍之明洪武十六年癸亥定雲南
所謂伽宗城者其廢已久知縣揭官保始徙治
於三台山之陽週圍二里至天啟四年甲子知
縣周萬禩甃以磚石我

朝順治庚寅閒流寇僭號踞滇大興土木拆城運
省築造蕭牆今僅存其址矣康熙四十五年典
史孔宸捐俸建南門北門二樓額其南曰龍翔
門雲南糧捕府額其北曰神京門巍然可觀焉
伽宗城卽今大古城今爲村

歸化城 卽歸化縣去呈貢縣二十五里知縣張思昂建康熙七年奉

旨裁入呈貢合爲一邑焉安江城卽今安江村去呈貢縣治南三十里前明有吳氏居之又名大吳籠元初隸呈貢千戶所至元中置歸化縣以吳籠隸之今廢爲村

古城在歸化城南其地去城不數武今爲村雞犬桑麻士民淳樸歸化之村必推古城焉順治四年丁亥四月流寇入滇六月屠呈貢呈貢人

呈貢縣志

卷之一 城池

六

楊師文段春榮糾楊宗野賊來劫縣治汎兵歸報至北門城上人以石擊之孫可望疑呈貢起義使其黨王尙禮閉四門屠呈貢諸生馬和鸞李凌閣段自靈等向前辯白被殺知縣夏祖訓家居訓導全盛朝皆遇害靖州知州莫可及父莫貴德妻麻氏同赴井死從死者十餘人合城罹難惟文姓得免以常有德於其人也嗚呼慘矣有西人來呈落魄文憐之資其衣食後投流寇用事感文姓恩生之亦有因文姓得免者雍正二年合邑士民赴

各上憲訴不願改歸晉寧州縣民方拔用李鴻章馬元卿高殿生孫斌張儒向榮徐君美束芝晉公佐蔣萬程等訴爲懇恩賞遵舊制永受先皇恩德事情緣歸化彈丸小邑土瘠民貧錢糧夫役較重隣封難以支立於康熙七年奉

旨裁汰蒙前任

督撫大老爺勘酌

題請將歸化歸併呈貢當年准

奏垂爲定制錢糧戶口互相攙越歸併以來沐我呈貢縣志

卷之一

城池

七

先皇深仁者五十餘年矣今有晉寧州訟棍戚璉等忽起風波捏詞上控欲將歸化歸併晉寧士庶軍民風聞痛哭情願永歸呈貢伏乞仁天大老爺賞遵舊制以靖地方歸化蒼生頂恩無旣矣爲此匍匐赴轅哀哀上訴蒙諭照舊各歸復業歡聲載道

疆域

古人建都必審地利州縣亦然所以固封守也呈貢四通八達之地無險可據然當承平之日

積深仁以固結民心至於有事自然如手足之捍頭目子弟之衛父兄矣古云在德不在險繭絲保障是在良司牧明辨之耳志疆域

縣治自昆明岫峽山發脉蜿蜒三十里至呈貢三台聳秀形似三台星故名中台飛勢騰空有若覆鳳城圍其外梁山拱秀於東昆海停蓄於西平原曠野郡南輔車東抵宜良界五十里東南抵澂江府界七十里南抵晉寧州界五十里西抵昆明池三里北抵昆明縣界五里又水路呈貢縣志

卷之一

疆域

八

至昆明界四十里東北抵板橋界四十里書云華陽黑水惟梁州

六鄉

永寧一鄉

永寧二鄉

城子一鄉

城子二鄉

河東鄉

寶藏鄉

村落

東路之村九抵宜良

落龍河

大小二村

新冊村

黃土坡

仁厚營

頭甸

七甸

水海子

大哨

小哨

東南路之村十六抵潞江

白龍潭

渠卜場

王家營

吳傑營

柏枝營

段家營

劉家營

繆家營

郎家營

大水塘

中莊

鄭家營

呈貢縣志

卷之一

疆域

九

興隆營

前衛營

回子營

松子菌

南路之村八抵歸化

龍街子

三岔口

松花舖

太平關

大魚村

大河口

小河口

新莊

西南路之村二抵昆池

可樂村

烏龍浦

西路之村八抵昆池

梅子村

斗南村

羅家營

江尾村

煉朋村

太溪村

小古城

麻阿村

北路之村九抵昆明

羊樂堡

北營

倪家營

萬朔村

張溪營

確白村

小王家營

狗街子

中衛營

歸化村二十七

南路之村九

呈貢縣志

卷之一

疆域

十

白雲村

白沙村

方塘村

廣濟村

安江村

古城村

左所

中衛

左衛

北路之村十八

者羅村

環秀村

豐勝村

苗莊村

雨花村

月角村

高家莊

青城村

古城村

林塘村

高登村

石城村

靈源村

金勒村

常樂村

杜曲村

海晏村

小晏村

山川

扶輿磅礴之氣峙而為山流而為水其秀者為名勝於以興寶藏而出財用聚物產而毓人文功莫大焉呈貢滇南奧區山川皆西向前梁山而後三台左岷嶼而右昆海盤繞停蓄亦極一方之勝可無紀歟志山川

三台山

在縣治內形如覆鳳俯瞰昆池諸人心目以三台相屬形似台星故也

萬福山

在三台山之右

呈貢縣志

卷之一 山川

七

象兔山

在縣治西南十五里舊有蠻寨

軍營山

在縣東一里相傳為諸葛武侯駐兵處按武侯南征由水路入越雋祥牂達弄雋祥

牂達弄棟以及葉榆無道經益州之事或者鐵柱誓城時因來撫斯郡耶因舊志所載存之以

俟知者

照面山

在縣東二里

龍翔山

在縣南一里即龍街子山也八景龍翔花塢即此

岷嶼山

在縣北八十里羣峯聳拔為一邑眾山祖有社神頗異每年六月十三日人爭祀之

紗帽山

在城東十里為驃騎沐將軍墓來脉形似紗帽故名

小紅山

在縣治西南三十里

羅藏山 在縣治南三十里巉岩陡峻蜿蜒百餘里

王大小二教場及屯兵寨故土人呼為梁王山

憚泥山 在縣治南三十里即黃土坡也每雨難行

海寶山 在縣治西南四十里孤峯特起下臨滇池

池中也楊太史有詩

界次山 在縣治南三十里俗名猓獾關

蓮花池 在縣治南十五里亂石磷磷儼如村落一

舊有蓮池頗佳

大尖山 在縣治南十五里下接石城村即古閣懸崖處也

呈貢縣志 卷之一 山川 三

馬料河 在縣北五里源從板橋入於昆明池縣北

水利 奉

院批明判歸本縣至今遵守

落龍河 在縣北十里源出黑白二龍潭灌溉田畝流入昆池

渾水河 在縣治東南

清水河 在縣治西南

縣前河 在縣治西南

南冲河 在縣治南自姚平壩經白雲村與清水河合夏秋水漲橫潰害田數百畝知縣游一

清為治故道田始可耕

白龍潭 在縣治東十二里石崖下古藤繚繞金色
飯爭食之土人不敢取上有
觀魚亭其流與黑龍潭合

黑龍潭 在縣治東北八里新冊村石崖下源深流
至江尾村入海呈貢之民賴此以無乾旱之患
三月二辰日特牲以祭官吏紳衿咸往有席

白龍泉 在羅藏西麓水自石孔中出
清微而寒地人資其灌溉

黑龍泉 在羅藏之南
祀於白龍泉

靈源泉 在縣治西南平地湧泉成潭石銀有記亦
三月初辰日特牲以祭官吏紳衿咸往有
席焉

月角泉 在縣治南即蓮花洞泉為雨花
月角大魚太平四村灌溉所資

呈貢縣志 卷之一 山川 三

寒泉 在界次山後寒氣侵骨浴之
愈病即八景中漁浦寒泉也

小晏泉 在小晏村每三
月致祭如他泉

大小壩 在縣東一里其水自黑白二潭流注灌田
各村水分俱有定數載在碑文康熙五十五年
嵩明州知州吳寶林署縣篆見其傾圮允眾所
請照畝捐銀採石重脩紳士之
贊勳者雖眾而楊希孟為最

界次塘 在縣治山下

小喇塘 在縣治南

廣濟塘 在縣治西南

沙尾塘 在縣治西
南白沙村

舊有樸築塘久淤蓋水利之通
塞民生之休戚係焉故附載

呈貢十六景

彩洞奇魚

碧潭異石

河洲月渚

漁浦星燈

龍山花塢

鳳嶺松巒

梁峯兆雨

呈貢縣志

卷之一

山川

十四

海潮夕照

安江春水

漁浦寒泉

芳塘翠柳

古閣懸崖

白雲兆雨

羅藏秋色

麗譙暮鼓

遍照晨鐘

戶口

戶口之增減視世道之盛衰我

國家承平日久生養有素故生齒之繁與前代不同但呈貢糧重差繁與別邑異况歸化處乾海田苦淹是在賢司牧仰體

德意克已裕人起彫敝而繁盛之催科撫字孰緩孰急當必有辨之者志戶口

舊志明弘治間呈貢戶六百二十九口六千九百九十歸化戶二百二十口三千一百一十三

呈貢縣志

卷之一 戶口

五

續通志明萬曆癸酉閒呈貢人丁一千七百七歸化人丁一千四許伯衡州志明萬曆四十五年呈貢戶四百四十九口四千一十三歸化戶二百三口一千九百九十一

按自啟禎以後典籍散失無有存者其戶口人丁之多寡亦遂不可稽矣即當有明之盛自弘迄萬僅百年而多者寡羸者絀增減不一非天地之靳於生育亦王道之缺於休養也我

國家鼎革以來生養休息幾及百年戶口日增猶

蒙

聖祖仁皇帝恩恤

諭令天下滋生丁口免其丁銀

大哉王言誠萬世格外之鴻恩也

呈貢舊管實在人丁並五十年編審清出及新
增共民丁七百七十丁

上丁九十五丁每丁編銀三錢八分

中丁一百一十五丁每丁編銀二錢八分

下丁五百六十丁每丁編銀一錢九分通計丁

呈貢縣志

卷之一

戶口

共

銀一百七十四兩七錢

歸化舊管實在人丁並五十年編審清出共丁

九百二十二丁

上丁一百八十四丁每丁編銀三錢五分

中丁二百二十六丁每丁編銀二錢五分

下丁五百一十二丁每丁編銀一錢五分通計

丁銀一百九十七兩七錢

呈貢實在屯丁一百九十九丁

上丁十一丁每丁編銀六錢二分

中丁四十四丁每丁編銀四錢八分

下丁一百二十五丁每丁編銀二錢八分

土丁十九丁每丁編銀五錢通計丁銀七十二兩四錢四分

歸化實在屯丁四百二十三丁內

上丁三十四丁每丁編銀六錢二分

中丁一百一十四丁每丁編銀四錢八分

下丁二百四十八丁每丁編銀二錢八分

土丁二十七丁每丁編銀五錢通計丁銀一百

呈貢縣志

卷之一

戶口

七

五十八兩七錢四分

雍正二年

督憲高撫憲楊

念窮丁偏累

題以民丁攤入民糧其軍丁查有從前平定吳逆後尚有無主田土影射未清者令其報出隨其所得將軍丁之最重者量加攤除奉

旨依議查呈貢民丁七百七十丁稅秋二千一百八

十一石三斗三升一合每糧一石應攤丁銀八

分六毫二絲歸化民丁九百二十二丁稅秋一

千三百四十八石二斗四升九合每糧一石應
攤丁銀一錢四分六厘六毫四絲至於軍丁並
無未清田土照舊完納

田賦

禹貢則壤成賦輕重一惟土之高下最爲均平
蓋土田之肥瘠地方之苦樂因之賦歛之厚薄
百姓之盈虛係焉司是地者不可不畱心也呈
貢秋稅獨重傳言明按院岳踏田自江川至呈
貢田禾盡栽而江川猶然赤土遂將江川之糧

呈貢縣志

卷之一

田賦

六

六百餘石加入呈貢借路成古代賠至今爲之
柰何志田賦

原額民地并新增沐莊共地一百五十五頃三十
畝九分六厘八毫九忽四微八纖五塵六渺七
漠內

上則地九十三頃七畝四分二厘八毫八絲三
忽五微二纖每畝科稅糧五升二合六勺該稅
糧四百八十九石五斗七升七勺五抄六撮七
圭三粒一顆五粟

中則地六頃八十六畝六分六厘四毫五絲六忽七微七纖每畝科稅糧四升四合七勺五抄四圭四顆五粟

下則地五十五頃三十六畝八分七厘四毫六絲九忽一微九纖五塵六渺七漠每畝科稅糧三升六合八勺該稅糧二百三石七斗五升六合九勺八抄八撮六圭六粒四顆

以上三則該

呈貢縣志

卷之一

田賦

九

夏稅折色六錢麥七百二十四石五升五合九勺八抄四撮八圭內

荒蕪民地三十六頃八十七畝六分二厘六毫三忽六微九纖三塵

無徵夏稅折色六錢麥一百六十九石八升七合九勺四抄二撮一圭六粒六顆三粟

舊額增減不一無庸載據見在賦役全書呈貢民田并新增沐莊共二百七十四頃四十二畝四厘一毫七絲五忽七微三塵九渺內

上則田一百七頃九十九畝九分九毫九忽八
微每畝科糧七升六合六勺該糧八百二十七
石二斗七升三合三抄六撮九圭六顆八粟
中則田八十七頃八十六畝六分四厘二毫四
絲九忽九微每畝科糧六升六合六勺該糧五百
八十五石一斗九升三勺九抄四圭三粒三顆
四粟

下則田七十八頃五十五畝四分九厘一絲六
忽三塵九渺每畝科糧五升六合六勺一抄該

呈貢縣志

卷之一

田賦

三

糧四百四十四石六斗九升九合二勺九抄七
撮九圭五粒九顆八粟

以上三則該

秋糧本色米六百七十八石七合一勺八抄八
圭

折色七錢米一千一百七十九石一斗五升五
合五勺四抄四撮五圭內荒蕪民田三十七頃
三十三畝二分二厘一毫九絲三忽九微三纖
六塵二渺四漠

無徵秋糧本色米一百一十五石一斗七升四合一勺七抄八撮四圭五粒二顆八粟折色七錢米一百一十六石四斗八升四合六勺五抄四撮二粒六顆六粟

以上呈貢民賦原額并新增沐莊稅秋糧共二千五百八十一石二斗一升八合七勺一抄一圭
遵照

部文編成總數每稅秋糧一石合編條編銀五錢七分七厘二毫八絲三忽

呈貢縣志

卷之一

田賦

三

原額條編銀一千四百九十兩九分三厘六毫八絲六微二纖二塵六渺六漠

附徵歸化

原額民地并新增沐莊共地一百九十八頃四十五畝五分六厘七毫八忽四微六纖八塵二渺二漠內

上則地二十二頃四十二畝八分三厘四毫七忽八微六纖九塵六渺三漠每畝科稅三升一合四勺五抄該稅七十石五斗三升七合一勺

三抄一撮七圭七粒五顆

中則地三十頃一十二畝四分八厘八毫五絲六忽七纖每畝科稅二升五合該稅七十五石三斗一升二合二勺一抄四撮一粒七顆五粟

下則地一百四十五頃九十畝二分四厘四毫四絲四忽五微二纖八塵六渺五漠每畝科稅一升九合二勺該稅二百八十石一斗三升二合六勺九抄三撮三圭四粒九顆五粟

以上三則該

呈貢縣志

卷之一

田賦

三

夏稅折色六錢麥四百二十五石九斗八升二合三抄九撮一圭四粒二顆

原額民田并新增沐莊共田二百二十五頃一畝六分七厘二毫二絲一忽九微六纖七塵一渺內

上則田三十六頃一十九畝四分八厘九絲五忽三微二纖四塵五渺三漠每畝科糧五升五合三勺一抄該糧二百石一斗九升三合四勺九抄一撮五圭二粒四顆

中則田七十一頃一十五畝一分二厘六毫四
絲九微六纖五塵三渺三漠每畝科糧四升五
合三勺一抄一撮該糧三百二十二石三斗九
升三合四勺九抄二撮七圭四粒七顆八粟
下則田一百一十六頃二十七畝六厘四毫八
絲五忽六微七纖七塵二渺四漠每畝科糧三
升五合三勺二抄該糧四百一十石六斗六升
七合九勺三抄七圭四粒一顆二粟

堰塘田一頃四十畝每畝科斛斗米五斗該米七

呈貢縣志

卷之一

田賦

三

十石

以上三則并堰塘田該

秋糧本色米六百三十石八斗六升五合二勺

五抄八撮八圭八粒三顆

折色米三百七十二石三斗八升九合六勺五

抄六撮一圭三粒內

荒蕪民田三頃三十六畝五分四厘一毫九絲四

忽五微八纖四塵四漠

附徵歸化民賦原額并新增沐莊稅秋及無徵塘

堰荒蕪在內共糧一千四百二十九石二斗三升六合九勺五抄四撮一圭五粒五顆遵照

部文編成總數每糧一石合編條編銀六錢七分

四厘三毫

三絲三忽

該原額條編銀九百二十五兩

一錢九分二厘二毫四絲五忽二微四纖四塵一漠

滇省從前屯糧獨重逃亡相繼康熙三十五年巡撫石

題請照河陽上則起科至今戴德呈貢左前廣中

呈貢縣志

卷之一

田賦

三

四衛實在屯地一頃二十五畝各折色不等該折色銀八兩四錢二分九毫五絲

實在成熟屯地一頃二十八畝二分每畝科夏稅五升九合二勺一抄該夏稅本色麥七石五斗九升七勺二抄二撮

開墾屯地二十畝每畝科夏稅五升二合六勺該夏稅本色麥一石五升二合

實在屯田一十七頃八十七畝八厘四毫每畝科秋糧八升一合八勺三抄該本色秋糧一百

四十六石二斗三升七合八抄五撮七圭二粒
開墾屯田二頃三十一畝四分每畝科秋糧七升
六合六勺該本色秋糧一十七石八斗一升八
合七勺四抄

荒蕪屯地二頃一十畝九分三厘五毫每畝科夏
稅五升九合二勺一抄該無徵夏稅本色麥十
二石四斗八升九合四勺五抄七撮八圭五粒
荒蕪屯田六頃六十八畝四分七厘九毫每畝科
秋糧八升一合八勺三抄該本色秋糧五十四

呈貢縣志

卷之一

田賦

三

石七斗一合六勺三抄六撮五圭七粒

以上呈貢境屯賦并開墾荒蕪稅秋共二百三十九
石八斗八升九合六勺四抄二撮一圭四粒遵
照

部文編成總數合編條編銀每石編銀六錢三分
九厘五毫八絲三忽共銀一百六十一兩八錢
五分二毫八絲六忽九微八纖五塵八渺二漠
歸化境左前廣中四衛實在屯地三頃四十三畝
該折色銀二十二兩六錢五分

實在成熟屯地二十九頃七十九畝七分五毫
每畝科夏稅五升九合二勺一抄該夏稅本色
麥一百七十六石四斗二升八合三勺三抄三
撮五粒

實在屯田四十二頃九畝五分八厘八毫每畝
科秋糧八升一合八勺三抄該本色秋糧三百
四十四石四斗七升五勺七抄七撮四圭五粒
開墾屯田八十三畝七分九厘每畝科糧八升一合
八勺三抄該本色秋糧四石二斗四升五勺六

呈貢縣志

卷之一

田賦

三

抄四撮四圭一粒八顆

荒蕪屯田六頃九十畝一分一厘七毫每畝科秋
糧八升一合八勺三抄該本色秋糧五十六石
四斗七升二合二勺

以上歸化境屯賦原額并開墾荒蕪共稅秋糧五
百八十一石六斗一升一合六勺七抄四撮九
圭一粒八顆遵照

部文合編條編銀每石編銀六錢三分九厘五毫
八絲三忽并折色共銀三百九十四兩三分八

厘九毫三絲九忽八微七纖九塵八漠

呈貢歸化民屯田地八百七十四頃七十畝六分
二厘六毫二絲三忽四微九塵六渺七漠實徵
夏稅秋糧麥米四千二百二十七石二升七合
八勺九抄四撮五圭四顆六粟

額徵呈貢商稅課附

商稅銀一十四兩七錢九分一厘八毫六絲八
忽遇閏加銀一兩二錢三分二厘七毫五絲三
忽

呈貢縣志

卷之一

田賦

七

大網課銀九兩九錢

小網課銀一兩八錢一分八厘二毫

小黃網課銀二兩七錢二分七厘三毫

絲網課銀五錢

五項商稅銀兩全徵照例徵銀

實徵魚課人丁銀二十五兩遇閏加銀二兩二錢
七分六厘照例徵銀

實徵乾魚課銀三兩照例徵銀

附徵歸化

實徵魚課銀一十二兩八錢三分三厘遇閏加銀
一兩九錢二厘七毫五絲照例徵銀

酒課銀一兩七錢三分三厘三毫遇閏加銀一錢
四分四厘五毫

船課銀四兩五錢

商稅本縣一六街棉花行稅銀四兩廣濟村棉
花行稅銀一十四兩安江村靛稅銀二兩大店
稅銀二兩挑脚撥淺稅銀二兩共銀二十四兩
三項商稅銀兩全徵照例徵銀

呈貢縣志

卷之一

田賦

三

一呈貢縣每月額銷鹽一萬三千觔帶銷鹽七百
四十六觔全年額銷正帶鹽一十六萬四千九
百五十二觔遇閏銷鹽一萬三千七百四十六
觔小販自赴省店買運行銷投收照票按季配
引造冊申繳

驛鹽道并報明

本府

風俗

人心關乎風俗風俗本乎教化詩稱江漢世傳
鄒魯非偶然也呈貢自前明以來漢人始多民
閒風俗幾同中土然土瘠民貧謀生不暇樸魯
少文其勢然也但服勤力穡物愛心臧是在司
牧者訓誨而化導之俾父慈子孝兄愛弟恭禮
讓相先訟獄衰息於以仰贊

聖天子漸仁摩義之化雖三代之風可復矣志風俗
元日記天地祖先往來拜賀

呈貢縣志

卷之一

風俗

三

元夕張燈作樂

清明墓祭

端陽懸艾虎飲蒲酒角黍相饋

六月二十五日各家燃松炬或照田其事近戲

七夕婦女乞巧

中元祀先於家

中秋瓜餅祭月

重陽登高飲茱萸酒

十月祀先墓祭

長至相賀用糒餅相送

十二月二十四日祭竈

除日懸祖先容祀之飲分歲酒守歲迎竈

婚禮用庚帖通媒妁具啟下定納聘親迎與中

原無異

喪事宜遵文公家禮俗尚建齋誦經治酒燕客

殊爲非禮至火葬爲獮人惡習大宜禁革

祭祀首重祖先愚民崇奉各項神祇實爲矯誣

宜更改

呈貢縣志

卷之一 物產

三

俗尚無子有女者以婿爲後此大亂宗宜禁革
物產

天之所生地之所產人之所造有多寡盈虛之
數總在人之裁成輔相樽節愛養耳呈貢山多
田少黑白二龍潭外常苦亢旱地之所產有限
穀麥而外閒種西瓜植桃杏梨粟不過以佐粒
食之所不足未始非百姓之膏血爲之不知者
以爲土產惟其所取且爲饋送嗚呼養人也而
厲人如此哉須知官有常俸民有常產正供而

外不得多取志物產

穀之屬

白穀

紅穀

老鴉穀

糯穀

長芒穀

大麥

小麥

春麥

油麥

糕梁

菘

黃荳

黑荳

鼠荳

飯荳

南荳

馬荳

匾荳

菜之屬

白菜

青菜

菠菜

生菜

蘿蔔

葱

韭

蒜

甜菜

芋頭

呈貢縣志

卷之一

物產

三

瓜之屬

南瓜

西瓜

冬瓜

玉瓜

苦瓜

絲瓜

花菓之屬

牡丹

芍藥

玉蘭

海棠

山茶

芙蓉

杜鵑

素馨

丁香

菊

桂

梅

桃

蠟梅

林檎

花紅

核桃

栗

杏

梨

千葉蓮

魚之屬

鯉魚 金線魚 白魚 鯽魚 烏魚

竹葉魚 紅鰕 白鰕 桃花魚 草龍魚

兵防

易曰王公設險以守其國書曰張皇六師蓋禮樂征伐治天下者原不可偏廢我

國家文德武功超越前代兵制最為詳密呈貢兩地塘汛而外竝無關隘之險故營屯防守獨備畧也志兵防

呈貢縣志

卷之一

兵防

三

堡一

呈貢堡 在新街北成化間設堡夫三百名設百戶堡官一員艾毓奇管理後僅存九十七名復以兵燹逃亡派夫里甲代為暫應今衰鴻既復按籍可稽仍宜舊貫以息民肩者也

哨四

七甸哨 在縣東三十五里黃土坡地界明成化二年置今廢

脚步哨 在縣東南三十里今廢

黃坡土哨 在歸化東三十里明弘治四年置今廢

保安哨 去黃土坡半里許即憚泥山今廢

舖四

縣前舖 在縣治

牛街舖 在縣北十里

七甸舖 在縣東三十五里

馬軍舖 在歸化西三里

歸化縣內駐防百總一員

中路

王家營

石碑郵

三岔口

關一

太平關 在縣南十五里為迤東要區路當孔道

皇貢縣志  卷之一 兵防

三

塘頭五處城守營各設塘兵以備郵遞

橋十二

龍市橋 在縣南一里

通濟橋 在縣治小街子

興濟橋 在縣南十五里大魚村北

通利橋 在縣北五里

永濟橋 在新冊村

便民橋 在縣治南憚泥山下

利涉橋 在縣治南二十里

吳籠橋 在縣治西
南二十里

會濟橋 在縣治南
三十五里

大通橋 在縣治
南今毀

新橋 在安
江村

鳳鳴橋 在郎
家營

呈貢縣志

卷之一

兵防

三

